

Ech garchonpète à cloque.(conte)

45

Ech ti l'al ed Capiows*, ch'éto un bin braf, iéto toudis in trin d' aideï ches gins.

In l'avo jamay vu sins ses galoches in bo.

Tout jon.nè ché to un parcour* de cense.

Il avo éteï plaché par ches parints amon ches censiers, i avo grimints d'infants déjo à lu mason.

I n'o eu des bornifs, des ratons, des pafs, des calottes, bin plus ecqu'mots pour el dire.

Etou sin patron ch'éto un dure al taque !

Es patronne al éto un bio molé plus douche. Al s'éto pris d'amitiéï pour ech jon né.

Al s'occupo d'ech jon Victor comme si ch'éto chin garchon.

Al li avo apprend à lire, pass' que censier, i li féjoé grinmint loupeï ech l'école.

Ch'étoé eune braf blan bonné*, al fesoé pitié dès foé telmint qu'al éto rechué.

Quint ech Victor il o eu eune trintaine d'année, ech maire i y o edmindeï edvenir garchonpète sermenté.

Comme il savo bin lire et qu' al cense vu qui avo un jon ed l'assitance qui éto arriveï, i pouvo foère un plus d'ech l' ouvrache un sorte ed mi-temps comme en diro aujourd'hui.

El plus dure ch'étoé ed tambourer ch'u tambour d'el commune.

Il y arrivo bien à buquer ed sus, mais aveuque ses mains galleuses ed censier, i manco ed souplèche, parfin* i o arrivé as faire intint mais ch'o li o couté ker car souvint y broquo* ches piaux d'tambour.

Etou pour procéder* cho il l'o vite apprend.

Ech cro mi dès té boute* ech bon capio, cho doit rentrer d'in tin sang.

Ech qui n'avo point prévu ch'est l'effet qu'ech l'uniforme y pouvo faire chu ches blanques*, même si ecqu' t'avo qu'un kepi.

Quin y allo porter eune communication amont ches gins y trouvo souvent qu'el blanche vu qu'ech homme i éto din ches camps.

Bin souvint on l'invito à rentrer pour boire un co.

Cho fénicho souvint par un co ed cotron.

Faut dire que ch'eto eune bel maronne ech Victor byin abloqué* pi tou cho qu'i féjoé i essayo de byin bichonner. I metto du cœur ach l'ouvrache. Dins s'ideï des foés quind ches Blanques y s'étoient point des beltèyes*, i l' fejo car y pinso ecque cho fejoé parti de's n' ouvrache ch'eto point un losse.

Do, comme i n'arfujo jamais, i'n' provoquo point del jalouztèye entre ches Blanques d'ech villache.

Cho ro pu duréï longtimp mais in est 14 et tous ches hommes valitent et en plus jon.nomme y sont'es mobilisés

Li étou, après avoir foé tous ches coins d'ech villache aveuqu sin tambour pour écaler* ech l'avis ed mobilisation générale, y c'est arnalé a's Mairie, y'o aoqué sin tambour in dijant ach Maire :

-Ech l'arprendro in rintrant dins pas longtimp, touche brin lo cho vo point duré !

Pi comme tout le monte il sais cho duré plus de 4 ans.

Pindint touch temp lo ch'ech maire qui o porté ches avis.

Aveuq ech bandréole*, es' qu'i annoncho y to jamais bien archu, pi quant' y arpatoé, cha brèio dans tous ches coins.

Li ech Victor y est arvenu en 17.

Ma fique*, tous ses camarates y s'étoient ke comme des mouques.

I l'auro pu i lécher ses oches étou.

I étoé rechué, i rio pu, s' mouze* al éto blanche,pi padzeur tout cho il avo perdu eune main « el gauche ch'es déjo moins graffe »qui disotent ches gins, pi s' gampe gauche al éto toute raite.

I éto passé par eune belle porte, ech bon Diu i n'o point voulu ed li, labo such front.
Ils l'avottent rafuté, i s'ont point pu el gardeï comme poilus. I l'ont rinvoeï as mason.

Ech maire i o dis qui pouvo arprinte ses fonctions Garchonpète.

Mais à chaque foé qui passo edvant el Mairie, i voyo sin tambour toudis aoquer aveuque ses 2 baguettes, y tournoé es cabèse, i argardo sin monion pi i sinto artourné inutile comme un sillon troé.

I rintro amon d'Adèle qui teno ech cabaret, pi i chniquoé*, i grignoé*.

Ch'es to point pour l'inringer ;

Un jour ech l'Adele al li dit :

-Pourquoé té n'print point qu'eune seule baguette ?

Mais pour li ech tambour ch'éto 2 baguettes.

Pi lo, d'un seul co, comme si eune ébeille l'avo rassali* s' caboche, i c'est elvé et i'o filleï comme eune balle boche dins mason.

Dins mason i vo dins champe, i rashaque d'in sous sin lit eune inbarnaqué* d' loque qu'intouro un cu d obus qu'i l'avo arméné ed labo. I li o foé deus tros aveuq un clo, l'i o passé eune fichelle.

I l'o print dins ses bros pi i so mi a courir aveuque jusqu'à l'Mairie.

I l'o déhoquer eune baguette et is met a taper su cu d'obus comme eune cloque qu'i tègno aveuqu 'sin monion il'o tapé tapé a n'avoir mau partout.

Ch'es o partir d'ech momint lo qu'i l'o arpris s' fonction ed garchonpète à plein temps, car i pouvo plus foère grind cosse d'aute. Mais cho s' fonction il l'o arpris aveuque tout sin dévoumint dvan.

Ches jonnes gin d'ech villache i l'applotent ech garchonpète o 4 culs

1 :Ech ti su quel i s'assis

2 :L'autre sul qu'el i tape

3 :Ech ti qu il l'o foé arvenir ed ches tranchés

4 :Ech quatrieme ch'es 'ti ed rinte heureusse tan puque* d'eune veufe d'ech canton.

Lexique : Picard Français

Capiows :chapeau pour dire un homme

Parcour garçon de ferme

Bin molé : beaucoup

Parfin enfin

Blanque ou

blan boné : femme

Broquer : percer

Procéder : verbaliser

Bouter : mettre

Beltèyes : beautés

Co ed cotron : acte sexuel

Byin Abloqué : pour un homme bien bâti robuste

Jalouztèye : jalousie

Ecaler : crier

Bandréole : écharpe de maire

Ma fique : ma foi

Mouze :visage, figure

Rafuté : réparé

Chniquoé : boit de l'eau de vie

Grignoé : pleurniché

Rassali : attaqué ,assailli

Inbarnaqué d' loque : chiffon très sale

Tan puque beaucoup